



53342

kat.komp.

I

Mag. St. Dr.

P

*magis unitas: Quacunque de unitate
et aeternitate mundi.*

Biblioteka Jagiellońska



stdr0004919

QVÆSTIO

DE

VNITATE & AETER- NITATE MVNDI.

M. STANISLAW ROZYCKI, Contu-
bernij Hierosolimitani Seniore, publicè ad
disputandum in Alma Academia Crac.
PROPOSITA.

*In Lectorio DD. Theologorum,
Anno D. 1629. Die Mensis Mart. Horu*

Permissu Magnifici D. RECTORIS



CRACOVIA,
Typis Matthiae Andreouensis.

l.l.

IN STEMMA.

Antiquissimę Domus ZEBRZYDOVIORUM.



53342

I

*Hoc signo fuerat victus Maxentius atrox,
Hoc signo Patriam vincere crediderim.*

Samuel Bukowski, Studiosus
Almę Acad. Crac.



Illustri & Magnifico Domino,
DOMINO GASPARI
IN WIECZBORG
ZEBRZYDOWSKI,
Castellano Calisiensi, &c. &c.

Domino & Patrono colendissimo,

M. STANISLAUS ROZYCKI, S. & F.



QUÆRO tibi Illustrissime Dñe Quaestionem, inter antiquos Philosophos celeberrimam: nostris fortè temporibus difficultate magis quam utilitate commēdatam. Nodus hic erat Gordius, quem collecta ex toto orbe Philosophia non poterat soluisse; In hoc velut labyrintho erravit Pythagoras, implicatus Socrates, nihil se scire dixit: & qui omnia scire voluit tanquam in Euripo mersus Aristoteles. Felices nos quibus iste error sepultus: nec maioris nunc momenti de mundi æternitate quam de fumo disputare: nobilissima verò antiquorum in tanta difficultate argumenta, & summum in Philosophando Aristotelem audire, haud paruum operæ precium indicabit quisquis Philosophiam in amoribus habuerit. Ut enim in pulcherrimis Dianæ, Veneris, & aliarum fabularum imaginibus, Apellis ingenium laudatur, irridetur superstitio: ita æternitatem mundi inter fabulas aniles & nugas pueriles rejicimus: pulcherrima ingenia amamus & subtilissimas rationes,

nes, velut gemmas colligimus. Neq; mihi alia mens fuit:
id unicum in hac quaestione volui: disputantem de eter-
nitate mundi Aristotelem introducere: & magnum hunc
Philosophum mirari: tam elegantem formam in luto effin-
gentem. Cui verò hoc, quicquid est laboris mei libentius
offerem: quàm Tibi magno Senatori, magno parentis mei
Patrono. Aristarchos omnia perperam interpretantes me-
tuebam: ad Tuum nomē, non aliter atq; ad Statuam Prin-
cipis confugi: multa Tibi & meo & Parentis mei nomine
debebam: quo alio grati animi significationem contestarer,
non inueni. Et tamen si donum hoc exiguum viderem, non
despondebam animum; cogitando Domum Tuam literis
amicissimam semper fuisse. Loquuntur nostrae Historiae
Andream ZEBRZYDOVIVM, Cracouiensem Episcopum,
diuinum in dicendo virum; qui procacissimum os Hare-
ticorum, in Senatu Polono compressit: & silentibus ceteris,
Sacerdotij maiestatem, aureā oratione defendit. Si fuisset
Florianum Generalem Exercituum Regni Ducem: nisi no-
bilis illa ad Neuellum ex Moschis victoria, argumento mi-
hi fuisset: tanti imperatoris prudentiam, aut optimis literis
informatam, aut diuinitus fuisse instructam. Viuit etiam
nunc & aeternum viuet in animis hominum vel Nicolaus
Cracouiensis Palatinus, vel Andreas, Castellanus Sremen-
sis Pater Tuus: magnum uterq; & cui nostri decus: illa lu-
mina Reipublicae, literarum delitiae. Quorum Tu exempla
imitatus amplissime Senator, munus hoc literarium, huma-
nissimo vultu excipies, & ROZYCIUM tuum amabis.
Dat: è Cont. Hier. Anno D. 1629. Die 24. Martij.

Q V A E S T I O.

V. Mundus, qui pro complexu cælorum elementorum & elementatorū accipitur, sit tantum vnus: & ex sententia Aristotelis æternus: vel per absolutam Dei potentiam, potuerit fieri ab æterno: necne?

C O N C L U S I O I.

Mundus pro complexu cælorum, clementorum & elementorum acceptus, tantummodovnus est.

C O R O L L A R I A.

1. *Somniauit Democritus, cum plures mundos ex fortuito atomorum concursu statuebat: volebatque dissolutis atomis mundum quoque dissolui: Et iterum coeuntibus, componi.*

2. Non multum à superiori recessisse videntur, qui relictis atomis futurum dicunt, ut Deus alium mundum, hoc corrupto sit creaturus.

3. Qui mundum intra mundum collocant, & ita plures mundos vount, ut noster hic mundus ab altero, velut vinum, à dolio contineatur, non sunt ab errore alieni.

4. Nec audiendus Xenophones, magis fabuloso, quàm Philosophico cōmento, aliam terram, aliud mare, & alium velut mundū in luna statuens.

5. Illi quoq; in via Peripatetica non tollendi: qui concludunt, duos mundos, veluti duos globos distinctos, unum ad meridiem, alterum ad septentrionem, &c.

6. Non propter defectum Materie, sed ob alias grauiiores & veriores causas, unum tantum mundum esse, nec plures dari posse tenendum est.

Conclusio II.

Exsententia Aristotelis mundus est ætern⁹.

COROLLARIA.

1. Corpora caelestia & principes mundi partes a
a_uthore Aristotele sunt ab æterno.

2. *Etiā motus ex mente eiusdem Philosophi æternus est : imò quicunq; statuit æternitatem, motus, eadem opera statuit æternitatem mundi: & è contra.*

3. *Tempus cum sit mensura motus, æternum, quoq; est, ex sententia Aristotelis.*

4. *Generatio & corruptio rerū, in Lyceo Aristotelis æterna est, & velut circulus, principio & fine carens.*

5. *Tamet si sciisset Aristoteles (quod probabile videtur,) Deum esse causam efficientem mundi, conclusisset nihilominus mundū æternum.*

6. *Non impedit æternitatem mundi infinitas animarum : imò recte hæc apud Aristotelem posse conciliari tenemus : ut stet mundi æternitas, stet quoque animæ humanæ immortalitas.*

Conclusio III.

Per absolutam Dei potētiam, mundus poterat ab æterno fieri.

COROLLARIA.

1. *Non tantum substantiæ incorruptibiles*
ut

ut Angeli & cœli, sed etiam substantiæ corruptibiles, ut hæc inferiora poterant fieri ab æterno.

2. *Nec motus nec temporis infinitas, impedit possibilem fuisse æternitatem mundi.*

3. *An motu recto poterat aliquid ab æterno moueri problemma sit.*

4. *Substantiam corruptibilem in particulari ab æterno fieri potuisse, non implicat.*

5. *Quemadmodum alia animantia, ita & homines poterant ab æterno generari.*

6. *Si mundus ex hypotesi conclusionis fuisset ab æterno non necessum esset monstrosam generationem constituere: quam nonnulli consingunt: videlicet, duos leones, vel equos &c. procreari, suppeditariq; eis alimentū, ut infinites generarēt.*

Sub fælicibus auspicijs Admod. Rñdi & Magnifici
Dñi D. DANIELIS SIGONII S. T. D. & Professoris,
Canonici Cracouiē. Academiae nostræ
RECTORIS vigilantissimi.



u-
no.
dit
no
ri
y
z
-
c:
s
-
i
u



